

蠶

桑

備

要

蠶桑備要目錄

第一篇 栽桑說

耕桑種

種桑法 二條

盤桑條 二條

壓桑條

栽桑樹

栽地桑

散種地桑

移栽小桑

取栽野桑

修桑樹

剪新栽桑樹

修剪舊大桑樹

秦中古科桑法

凡科桑枝法

接桑樹

枝接三法 壓接三法

治桑蟲法

採桑法

第二篇 先事豫備

收蠶食

收斑糠

收簇科

收蓐草

收火料

置擡爐

織蠶箔

造小蠶架

造大蠶架

編葉筐

編葉節

編蠶節

編蠶盤

製蠶匙

編蠶網

設蠶室

擇蠶種

浴蠶種

第三篇 養蠶總要

蠶有十體

蠶有三光

蠶有三稀

蠶有五廣

蠶有八宜

蠶有諸忌

蠶室須知加減涼煖

眠起取齊法

第四篇 養蠶程式

祭先蠶

立蠶母

量葉下蟻

下蟻法

撥寬法

分蟻法

頭眠蠶

二眠蠶

三眠蠶

大眠蠶

地蠶

上簇

摘繭

蒸繭

繅水絲法

手扳車

繅火絲法

繅絲腳踏車

做綿法

抽線法

各樣醜繭

繭統絲頭

附養二蠶法

附三原桑園蠶婦養蠶簡易法

附醫蠶病方并雜錄治病防病法

蠶桑備要

署藩憲臬憲曾

編纂

知三原縣事雲中劉青藜補輯

咸甯副貢生固菴蔣善訓校訂

第一篇

栽桑說

民生濟用莫先於桑謀衣者不艱於養蠶而難於樹桑若桑務一舉則蠶事自興故首述而備論之種子盤條壓枝栽接科採諸法詳列於後資生者當留心焉

一辨桑種桑乃箕星之精東方生氣蠶食葉之神木爲世大寶種類甚多總名之曰荆桑魯桑凡椹多枝幹條葉堅勁其葉小而邊有鋸齒者皆荆之類宜飼大眠以後之蠶椹少枝幹

條葉豐腴，葉圓大豐厚而多津者，皆魯之類，宜飼初生之蠶。初蠶不可多飼，荆桑葉恐有裂腹之患，但於大眠後與魯桑間飼，則其絲頭必勁而堅韌。以魯桑條接荆桑身，茂盛亦久遠。桑種宜擇凡本粗皮皺者，其葉小而薄，白皮而節疎芽大者，爲柿葉桑，其葉大而厚，堅繭而多絲，枝如藤蔓，葉如絢帛，謂之柔桑，飼蠶多絲而堅韌，有一種木理極粗，葉如扇面，光如沃油，謂之烏桑，甚宜初蠶，有一種紫藤之桑，枝如紫色之蔓，高大而葉肥厚，飼蠶最好，或謂絲勝接桑，有一種白桑，其葉厚大，得繭重實，白桑堪有自土魯番來者，椹形如馬乳，如珍珠，其味甘美，兼可充佳果，惟雞腳花桑葉，毛背桑葉，不可用。

一種桑子法，俟桑椹熟時，揀極熟黑大者，剪去兩頭，惟取中間一截，收來握爛，置水盆內，搓淘去汁，揉散其子，輕糝浮水面者，去之，沈盆底者，連椹渣以羅漉去水，於通風處陰乾，隨乾隨揉搓，則桑子出壳，與椹皮渣不粘，俟乾簸揚如簸米法，其

子如米，自淨無土氣，收存不至生蟲。臨種時，先一日用水再

漂去輕糝不實者，浸一宿，用柴灰拌勻，種之。芒種前後為上

時。夏至後種為下時。次年二三月亦可種。春種清明後，秋種處暑前後，均較夏

種稍省工，其實自清明至處暑，每月皆能種出也。若陳久則多不生。須將子收葫蘆內，放高燥處，亦

可生。未種之先，將地耕二次，土打極細，上熟糞厚四五寸許。熟糞

是窩過的，不再耕一次，打土塊極細，用杷子攪成闊二尺長

一丈的畦子。有雨便種，如無雨用水灌溉。俟二日後，土散不

粘，用杷子攪起，以灰拌棋子，勻撒於畦內，用杷子輕攪一二

次。不可深了，深則子細難出。再上打細的熟糞一指厚，用木輓子碾一次。

上搭矮棚。棚用葦箔最妙，便於捲舒，其棚之高，不過三四尺。遮蔽烈日，晝舒夜捲。若

遮蔽桑苗初生極嫩。一經烈日曬乾地皮。將桑苗夾成細項。遇猛風一吹。盡皆摧折。若經三四日一澆。使地皮常濕。亦可不用處暑後。不須遮蔽。種後每日早灌溉一次。及苗出之後。

春種者三日一澆。夏種者二日一澆。勿使地皮乾裂。及苗長五六寸時。長芸草極淨。及苗長尺餘。或三五日。或六七日澆一次。及至冬月。苗長三四尺高。至十月半間。再上熟糞一二寸厚。用麥草撒入畦中。厚一二寸許。逆風放火燒之。桑苗焦枯。次日用利鎌摩地刈之。根槎不可露出土外。再撒亂草。于已割苗上一二寸厚。仍逆風放火燒之。火不可大。恐傷根也。此爲三耕二燒之法。或止割後一燒。以收津液。燒後用糞蓋一二寸厚。再用爛柴草厚蓋更好。至春月攆去。冬月若無雪雨。再澆二三次。至次年。

發生甚旺。一根可長數芽。揀旺者留一本。其餘摘去。旱則澆之。至冬月可長七八尺。或爲地桑。或爲樹桑。或遠近移栽。此爲養種廣布第一法也。或不能遵依此法。只照尋常種菜法種之。亦可不燒。但不及此之長速而且旺也。

又鬆鬆打一稻草繩。以熟樁揉搓。令籽在繩縫中。掘熟地一段埋之。深不過寸。苗長移栽。將熟樁用乾碎草揉搓無肉。籽散黏草上。連草種。或卽用柴灰搓散。連柴灰種。均簡便。民間不曉種桑。令如種菜種煙葉法。搓散拌柴灰淺種後。用新草遮地。每日用灑壺灑水。地勿令乾。苗出後。再去草。搭涼棚。

又法樁極熟時。揀肥大者。拌食餒猪。取猪糞交土種之。名曰豚

桑葉厚大。

亦有以樁餒鴨。取鴨糞種者。

一盤桑條九十月揀連枝好柔條盤作圓圈掘坑一二尺和以糞土緊緊埋築少露稍尖冬蓋腐草春月搜去正二月亦可盤須常時澆水地皮勿乾夏月亦須搭涼棚遮烈日條長數尺卽是地桑次年卽可割條葉飼蠶三年後亦可移栽

又斜插法大葉魯桑條上眼頭萌動時砍下約長一尺以上將兩頭砍斷處用火微微烙過每一坑內微斜插二三枝待芽出再封堆虛土三五寸只要三伏日澆灌不缺無不活者每一根只留一條本年秋後長至數尺次年卽可割條葉飼蠶

但不缺水地或雨多時插桑條卽活

一壓桑條近土柔條掘坑攀倒泥土築實條上枝稍扶出土面

但得雨水，即便生根。次年稍長二三尺，於近樹身處砍斷。或十月，或春分，挖出，逐節剪斷，各帶根鬚，將發出新條剪去上稍，連根留二尺栽之。

一栽樹桑，築牆成圍，大小任意，將圍內地耕熟，或栽行桑。

每株相去

一丈，橫直成行，以便耕種。行間或種菜豆、黑豆、豌豆、芝麻、瓜子及瓜茄菜蔬，無不可者。上採桑葉，下種豆蔬，可謂兩益而且發桑，但不可種麥穀，令桑不旺，不宜種藤蔓之物，纏繞桑枝。採葉之樹，尤忌種大麥。地內種相去宜寬，若務桑圍六七尺一株，須按品字樣，或栽牆下桑，或栽門前家庭阡陌道旁城壕墳園

場園，其法先掘一坑，深三尺許，寬窄量樹大小，務要寬綽有

餘。九月至二月半，栽之皆活。

古人云：惟十一月栽之不活。今每於十一月內栽之皆活。或

種出者，或盤壓成者，皆可移栽。魯桑宜多，荆桑宜少。栽時記

號南枝不可錯了原向

陰面若受日曬則焦枯如樹甚小亦不必拘

且忌大風

風能

燥物恐耗散脂液則不長旺

掘時務要掘大些不可傷著小根

古人云栽桑莫巧勿

令樹知將掘下坑內下熟糞四五升和土令勻

如有龜殼根下置一箇則

桑更茂且避蟲

入水一桶調成稀泥將樹根坐於泥中按至坑底提

三五次

欲令根鬚皆順

扶端樹身填土與地平壅周圍熟土令坑滿

次日方可築實

周坑四邊須築實若不實則根土不相著多懸死

上復用土封身尺

餘高周圍自成環池

無雨澆之可以容水

如在園外路旁場畔者須護

以棘以防牲畜齧傷孩童戲折二年不可採葉

樹小傷生氣多不旺其

上糞十月至正月皆宜三月至八月不宜

恐糞氣傷損嫩根養蠶之月亦不宜

上糞蠶食葉生病養蠶已畢枝葉利剪仍要上糞謂之謝樹

或猪羊牛馬之糞油渣亦可

上糞有地面
昔上者如在
樹旁挖洞須
離樹稍遠挖
洞勿深上水
糞或油渣後

澆水填土樹
根自能吸肥
倘太近樹恐
傷根

棉子油渣性煖冬壅其根更好旱則數日一澆三年之後長如椽大可以採葉飼蠶矣

一栽地桑濟急救困莫如地桑之速凡河決水湮之地地少人貧之處地桑一畝歲可收絲九觔布後次年即可飼蠶三箔三年後可飼五六箔其法築牆成圍將圍內地耕熟相去五尺掘一坑每畝該掘二百四十區廣深各二尺每坑內下熟糞三升合

土令勻下水一桶調成稀泥將畦內種成魯桑

不用荆桑

連根掘

出一科自根上留身五六寸其餘截去

或止留身二指寬祇須有一條眼發出就

是一壯股省科樹桑地桑初栽皆可用此法將樹頭截處用火微焙以收津液埋與土平謂之埋頭樹再發出樹條更旺

每一坑栽二根將根坐於泥中

欲速見功者栽三根

按至坑底提三五

次按桑身略與地平壅周圍熟土令坑滿次日築實再壅熟

土輕築令平滿

附身土不可築實實則芽難生

用虛土封堆如鑿背子樣可

厚五六寸周圍自成環池

亦可容水

芽出土長三四寸時節揀不

旺者掐去每一株止留旺者一二本

澆鋤如法當年可長五尺高

次年附

根割條到家揀葉飼蠶

割須用厚背銅鎌一割要斷若鈍鎌不能速斷則傷根皮有雨則根必傷

蓋地桑不要放出身來只要從土中長出若身出土名爲脚高條既不旺又多被風雨擺折

割過處每一

根盤周圍生出數芽每一科可留六七條

大約割一條再發芽留兩條年年如

是一年多

餘者減去年年附地割之愈割愈旺留條漸多

一種野魯桑亦可移植冬春上糞旱則澆灌年年茂盛

三年後正

長旺六年後根相交根交則不旺春時將相交根砍斷掘去添上糞土或得雨或澆過即復長旺次後斟酌其後漸大

成栽子。圍別園。如前法栽之。三年後新桑茂盛。養蠶欲桑時。將舊桑根上只留一條。隔年自成一株。分出栽為行桑。如此傳轉。無有盡期。然魯桑飼蠶。其絲不堅韌。可斟酌栽。荆桑樹數株。俟蠶大眠後。採葉與魯桑相間飼之。地桑須於園內栽之。有草則鋤。無雨則澆。比及蠶生。可澆三次。其葉自然早生。桑種自有早生葉遲生葉者。須擇其早生葉者為地桑。其行間宜種豆。兩不相妨。且豆性發桑。勝於芝蔴瓜蔬。

又散種地桑法。有地或三五畝。或十數畝。耕三次。上糞五六寸。再耕一次。打耨極細。攪成畦子。或高燥之地。無水澆灌之處。不必作畦。漫種亦能生活。

每畝用黍子七合。

黍即糜子。

製淨棗子一升。

魯桑者佳。

黍棗相合種之。

黍桑當俱生鋤之。桑須稀疏調適。

大概二尺一苗。

黍熟時。剪去穗子。

俟經霜後。以利鎌摩地刈之。曝令燥後。有風放火燒之。再上

糞一二寸。旱則澆之。次年春生芽數條。每株只留二條。其餘
掐去。三四月常鋤令草淨。空處點種菜豆黑豆等物。不可種
麥穀。至秋收畢。將地又鋤一次。過年桑長漸大。割取飼蠶。每
畝可飼三箔蠶。又過一年可飼蠶五六箔。

又移栽小桑樹。小根少。上無寸土。但經路遠。風日耗竭。脂液栽
後難活。卽活亦不榮旺。凡栽小樹。取之他方者。通約十餘株
爲一束。於根鬚蘸沃稀泥。泥上糝土。包以柔草。包內另用厚
泥固封。搵按車箱內。令樹身順臥。護閉兩頭。不透風日。上以
席草覆蓋。又須預於栽所掘區下糞。樹到便栽。依法不苟。無
不活者。九十月以後。雖行千里亦不妨。

凡科樹宜上
半月不月堅
半月緣月精
地氣盛樹精
氣益升枝條
科翦傷樹月
摩則精氣歸
根科條無損

又取野荆桑魯桑入園中養者如其身乾枯或不端直或參差

亂枝栽如上法栽畢用快刀摩地砍去樹身俟生出樹芽揀

旺者留一本即成端正好樹且旺異常蓋桑聞鐵腥愈旺地

桑是其驗也凡園內一切樹栽後二年不旺者或樹身不成

材參差不齊者俱用快刀砍去樹身去地半指糝土封其樹

槎俟其芽生只留旺者一本

此法但可施於九月以後二月以前

一修桑樹長至六七尺臘正月間砍去中心之枝餘幹便向外

長如大傘之狀科去尤枝稀勻得所其葉自大飼蠶時枝葉

全剪下須留一二尺不剪

科去中心之枝容立一人於上轉身鈎截遠揚條甚便

又剪新栽桑樹法每種一株將上枝剪去去地約留尺餘以二

百
人科樹視
落亦此

卷一百一十五

分糞八分水

和勻澆之。俟眼頭胖時，用三糞七水澆兩次。

新出

萌葉俗名眼頭。至葉大如錢，留其好條兩枝，餘條皆攀去。好條上葉

雖大不可採，任其自落。明年清明前，眼頭胖時，將所留兩條

均剪稍留兩杈，每長尺許，澆五成糞水。未幾又長新條，其旁

出者仍攀去。下年仍剪枝稍留四杈，每亦尺許，再下年留八

杈。又下年留十六杈，年年如法澆剪。將五年幢幢成陰，葉大

如掌，可採以飼蠶矣。

未及五年亦可採葉，但不宜盡剪，致傷枝本。

採葉不宜攀折。

須連枝帶葉剪之，離杈留枝各約五寸。

或云不可留長，只留分許，總要有葉眼為

是。至芒種必採完，不剩一葉。夏至前後十六杈，又各抽條長

葉，名曰二桑葉。俟條長尺餘，揀粗而直者，每杈留三四條，餘

均攀下以飼二蠶所留之條任其落葉下年清明須澆重糞
不必再剪小滿前後將所留新舊各條連枝葉剪下摘葉以
飼蠶再留二桑葉以後年年去舊留新樹頭皆成拳形條柔
葉嫩樹大而不高尤便剪採

二桑葉飼二蠶
有餘可以餵羊

又修剪舊大桑樹法原有之大桑樹太高幹老葉少且採葉上
樹耽險須冬臘月將樹身鋸斷離地只留三尺是爲第一層
第二年春天新條自然抽出俟四月剪桑飼蠶時只擇肥旺
者留五枝其餘旁出枝條概行刪去

刪去之枝可
摘葉飼蠶

所留五枝

暫不剪稍俟本年冬臘月或明年養蠶時再將此五枝各留
一尺剪去稍子是爲第二層第三年春天又復抽條俟四月

剪桑飼蠶時將所留五枝之上又各留五枝共二十五枝其

餘旁出枝條概行刪去

刪去之枝可摘葉飼蠶

所留二十五枝暫不剪

稍俟本年冬臘月或明年養蠶時再將此二十五枝各留一

尺剪去稍子是爲第三層以後再不留杈年年將二十五枝

上所生嫩條連枝帶葉一併剪下摘葉飼蠶剪條均齊老癢

凡桑條長者剪取不及必須用鈎以攀之鐵鈎長五六寸形如鷹嘴木柄長二三尺凡桑幹堅壯不能剪者須用鋸截之長尺餘闊半寸厚半分勻排細齒用鐵條環屈如弓釘住兩頭未鑲短木爲柄桑條最柔不可攀折用刀向上斜削如馬耳形若向下砍扯皮或破杈則壞枝條未養蠶樹宜臘正月科剪養蠶之樹據精此事者謂陝西地氣宜小滿前科剪若小滿後科桑條當年不能旺發恐下年葉少又謂陝西河南均宜隔一二年一科條若年年科條樹多不旺再科剪老桑二十五六杈上每科仍須留五六寸則條眼易發若齊老癢則條發遲恐當年不旺再十六股二十五股之說雖不

必盡拘然漸留層漸放杈則不易之法若頭層卽放杈多則枝細葉小

又農政全書載秦中舊有一法名曰剝桑臘月中悉去其穴所存之條甚疎又於所存條根之上僅存四眼餘皆掐去其所留者明年則爲柯其眼中所發青條可長三四尺其葉倍常光潤如沃蠶近老而手採之猶留一向外之條滋養及秋其長以至尋丈臘月復科之如前歲久則所留之科重繁復從下斫去周而復始自成圓樹如傘蓋樣洛陽河東亦同山東河朔則異於是必留明條疑風土所宜以此觀之則秦古桑之法可謂精工矣今之烏有者因兵燹之廢後世不察也

凡科法當去者有四等一漚水條向下一刺身條向裏一駢指

又根接法
略同惟將桑
根旁浮土抓
開見有絲根
即將樹身齊
土面剪斷或

條

相併生者
科去其一

一尤脞條

雖順者
卻利

科時臘月爲上正月次之其

所科之條當取皮以備抄紙之用

臘月津脈未上科不傷樹
但剝皮不利今人春月科

樹只爲皮利不顧傷樹而不知自有取皮良方其法臘月或
正月科下條子埋於向陽坑中俟過年二月剝之自利如欲
速用將條作三尺長縛作一大束與大鍋口一般大鍋內添
水一二桶將桑束立安鍋口勿令下鍋用稻草繩一條如小
碗口大長數丈纏桑束周圍自鍋口纏繞到頂令密使氣不
得走泄上用鍋板蓋之蒸至皮利爲度取出剝之蒸取構皮
皆用此法

一接桑樹種過三年必須接換葉乃厚大春分前後擇向陽好

魯桑條大如筍長一尺者削如馬耳於本樹離地二三尺處

將桑皮帶斜割開如人字樣刀口約寸半長將馬耳朝外插

入以桑皮纏定糞土濕包縛牢勿令洩氣露稍一二寸清明

鋸斷擇其光
潤無愧偏處
用快刀監割
破皮將刀略
擺使皮離萌
接條三寸削
一寸如馬耳
嵌入用桑皮
繞緊土壅但
露二芽齊於
上驚蟄後接
清明後即漸
發芽秋後長
旺冬月即可
移栽

後即活。次年將本樹上截鋸去，便成大樹。陝西宜小滿後堪

熟時接之。五六月亦可。又不拘樹身大小，大樹留及人肩，小樹離地

留一尺將頂上鋸截成盤，用刀削平，劈為兩半，將接頭削如鴨

嘴，長短須量劈縫，插入縫中兩邊，務要兩皮相著，包如前法。

俟接頭芽長三四寸時，常起土看，原樹根底發芽，盡行拔去。

仍封土如故，將所纏裹的皮子解去，否則纏久樹成藥葫蘆。

樣，又法以小利刀於砧盤傍，向下一寸半皮肉上，以刀尖向

上左右斜劈豁兩道至平面，下尖上闊，中間劈豁斷者，剔

去如烏鴉嘴渠子，兩壁有斜面無平底，其尖淺，向上漸深，至

頂可深至半指許，接頭揀好條大如中指以下，長尺許，將槎

頭一寸半，用利刀左右削兩刀，成蕎麥楞樣，令頭尖如烏鴉

嘴子，與樹身烏鴉渠子大小相符，捺於老鴉嘴渠子裏，務要

緊密，皮對皮，骨對骨，與樹身一般無迹，一砧盤可接四個，樹

小者可接二三，外用棉紙纏包，再用構皮，或桑皮，或麻，纏

縛牢固。外用牛糞泥土封塗周圍。又用破席片包裹。如仰盆樣。內盛潤土。將接頭埋合。略露稍一二寸。土乾灑水少許。接頭長芽。亦不可去。席土。至秋長定後去。

一、鑿接法。將美樹枝條上長就小鑿。如麥子大。未發出芽者。將此鑿周圍方寸。用快刀刻取。連皮肉揭下。於口內噙少時。取出。於惡樹上揀一未發芽的小鑿子。如麥子大者一箇。將口內鑿皮取出。貼印濕痕於惡鑿皮上。以利刀依痕刻斷惡樹鑿處。大小如之。將惡鑿皮揭去不用。遂將美鑿合貼惡鑿刻痕上。務要將美鑿裡面空尖子合在惡鑿上的小骨尖上。如榫卯之相合。要緊在四圍皮對皮。無少間隙。兩頭用濕綿包裹。桑皮纏之。不鬆不緊。仍用牛糞泥封之。但須露芽尖在外。

又法將惡樹
條削去一節
自稍用刀將
皮直劃一條
約二寸餘取
美樹新條一
子連皮寸餘
插入桑皮上
下纏住

縛樹枝葉遮蔽烈日。再將惡樹上一切枝條盡行斫去。又將其餘惡腦子一切掐去。令津脈盡升於所接之腦上。及腦發上尺餘。便可解去纏物。此法接諸果樹。須在豌豆開花時。若接桑。無論檉接腦接。必須在三伏日。

又山東人腦接法。茶碗粗桑樹五月間。將美樹當年新條腦子削下。周圍帶皮約各一分許。將惡樹科去頂條。留橫條四五股。削去稍尖。各留尺許。將此四五股上。每股接二腦子。餘俱掐去。接法。將惡樹條近頂處。兩邊上下錯開。各劃一十字。橫直各四五分。將美樹腦子填入十字中間。不必對骨尖。用桑皮上下纏住。使不露風。中露腦子即活。

如根接或將
近地小樹枝
條屬接長成
條子攀倒壓
土生根後分
栽即不須再
接

又屬接小桑條子與酒杯粗小桑樹春月豫將惡樹穴枝條科
剪並將所留舊枝剪留一節上留兩屬以下屬子掐去使長
兩新條到五月間新條長有尺許將美樹新條削下一頭截
齊再將皮劃斷八九分長一節用指一扭連皮帶屬子祇須一屬
子脫下一空筒即將惡樹新枝條削去稍尖將皮四面剝開
隨剝隨將空筒套上套至大小合式即不裹亦活如稍不合
即用上節脫開桑皮纏繞於下上口不纏至筒子所露舊條
骨一段亦不截自能長齊此法更穩便屬子亦不必對骨尖

一治桑蟲見有蛀穴桐油抹之即死深入者用鐵絲插入殺之
蟲在枝葉間者以噴筒或水鎗吸巴豆水噴之蟲在條幹外

者或用刮桑鉋刮之

鉋以鐵爲之口闊寸餘環屈其身長三寸末作圓孔以受柄柄長二三尺不等

一採桑須有次第先採其葉之色老者畱其嫩者俟長尤不可

傷其芽觜蓋芽觜方長遲旬日便又放新葉數十倍於此時

且其味苦澀非蠶所宜食也蠶初生時食葉甚少只可採其

底瓣

底瓣者芽觜傍邊先放之一兩葉也其色較老雖畱亦不甚長

二眠以後食葉漸多若

底瓣足供則仍採底瓣底瓣已盡則採瞎眼

瞎眼者芽觜已放只兩三葉而

其中心已無未放之芽

三眠以後食葉愈多然尙須辨其老嫩至大眠

以後則桑已長足可開剪矣

桑有遲早則開剪亦自有後先以長足爲度可也採剪次第得

法則止望採百斤者可得葉至百二三十斤然年年採底瓣瞎眼樹亦易敗以隔年一採爲妙如植桑百株則今年採此

五十株彼五十株畱至大眠後開剪明年採彼五十株此五十株畱至大眠後開剪再陝西小滿前科剪頂條使其早長

小滿後宜剪冗條
及樹幹不畱之條

以上種桑修科栽接諸法皆備人能依法行之戶植百株
或數百株不數年間嘉樹成蔭蠶利大興矣

蠶桑備要

署藩憲臬憲曾

編纂

知三原縣事雲中劉青黎補輯

咸甯副貢生固菴蔣善訓校訂

第二篇

先事豫備

欲蠶事者。於秋冬農隙。預置蠶具什物。自不至臨時忙迫失措。凡蠶食料。簇料。火料。蓐草。火具。藁薦。曲。筐。盤。槌。蠶架。砧。刀。擡網。葉篩。椽。杓。蠶室。必先精製習熟。蠶種亦必先年如法收存。則獲利自如。操券而取。今條列各件於左。

一收蠶食。夏采未經摘過頭桑葉。並秋深采未黃二桑葉。採來曝乾。臘八日各磨成麪。淨瓷器收存。是日又將菜豆浸半日。

白米淘極淨，均曬乾，淨器收存，俟三眠後用之。

每箔約用豆米各半升。

一收斑糠，清明日，將米糠煨焦存性，自初出至三眠除沙燠一番，要糝一層於筐內，每眠起一番，濃糝一層於蠶身，最能去潮。

一收簇料，南人用稻穀草，截去頭尾，束成一把，上簇時一搥兩頭撒開，接連直豎箔上，千頭子更妙。

即鐵掃帚到處有。

北人以菜子

幹棉花幹粟穀草，茅竹稍等，均可束成把子用。

以板凳兩條橫擔竹竿三

四根，上架箔子，箔子上接連豎簇，行子排滿，再按搭箔子，再豎，如無箔子，即以麥草鋪地上，豎草把，凡簇上仍可鋪麥草。

草。

一收蓐草，蠶初生，鋪柔草於筐底，上加綿紙，紙上置蠶，取其溫。

據山東人稱
木炭火爲上
倘蠶不正始
用牛糞火

軟臘月刈菜爲上。稻草次之。麥草爲下。臨用搗極綿軟爲妙。
或多襯幾層紙。或襯厚草紙。天涼或襯棉花。

一收火料。蠶火類也。宜用火養之。但畏煙薰。牛糞爲上。炭火次之。冬月多收牛糞。曬乾蠶生時。用以燃火。煖而宜蠶。

一置擡爐。如火盆架。兩旁有柄。蠶忌煙薰。戶外將柴糞燒過煙盡。以便擡入。火之大小。當隨寒熱添減。務要溫和。勿忽寒忽熱。

一織蠶箔。取細葦。用麻繩密編。寬五尺。長一丈。分擡去蓐時。易於舒卷。每蟻一錢。需用一箔。

一造蠶架。用粗木二根作柱。細木十根作長關。再以粗木一根

做一柱用短關十根長關中間及短關頭上做雌雄樺鈎連於鈎連處鑿孔用竹釘綰住擺立如三角兼能活相高七尺寬不拘每一關相去七寸用以架筐

此牆角安放三柱小檯架也架圓篩筐最便

一造蠶槌卽大蠶架也禮季春之月具曲植植卽槌立木也曲卽箔子也立木四莖每立木一莖外相距八九寸或一尺刻鋸齒一層一丈之柱可刻十層每一層齒上掛桑皮或構皮繩圈一箇兩柱上下各貫橫木一根用時以繩拴上層兩橫木中間相去一丈餘或八九尺將兩繩頭拉釘兩邊牆上卽四柱端然豎立每層繩圈各套一椽頭每層橫貫兩長椽上鋪箔子一層箔子上鋪整紙一層

紙須粘連如箔子大紙上倭蠶中間

留空一層以便餵時移箔上下

一人以手舉椽頭上下周圍

柱各安橫檔十層者用法同架盤架箔子均便屋低柱短者少安一二層亦可每一間屋均可安一大蠶架牆角仍可安小蠶架一臥室均可出絲十餘斤貧民臥室內養蠶得人煖氣尤旺惟須潔淨知避忌

一編葉筐用竹或柳條編如大斗而高以盛細葉蠶大葉多又須加大

一編葉篩用竹編徑五六寸孔如胡椒大以飼小蠶如黃豆大以飼大蠶

一編蠶篩用竹編卽米篩裏面糊竹紙以貯小蠶便於刮沙

一編蠶盤以竹編或用木框寬五尺長七尺兩頭各二柄邊高

二三寸以疎簞爲底擡蠶便用

此代箔子大蠶盤也大蠶架一層止放一盤若五尺長二

尺或二尺五寬之蠶盤一層可放四五盤尤便以竹條作如蒸籠底上鋪粗草紙草紙上鋪桑皮紙或構皮紙麻紙亦可蠶餒紙上。

一製蠶匙以竹片或桑木削爲方杵樣大小各數張用以分蟻蠶初生三四日之間沙厚溼蒸或蟻稠器滿急宜分布網抬恐漏跌須將碎葉厚篩蠶上片時蠶盡上葉用匙輕輕挑起須薄帶桑渣蠶屎揭成小片分布另筐內相去二三分許置一匙。

一編蠶網以細麻線纏竹杈上編如鵝網形孔如雞子大長五尺闊三尺五寸每箔當用三扇以熟漆漆過或以猪血和石灰塗之如制漁網法。猪血一升以稻草攪開羅子過石灰末半合和入攪稠陸續入水二三碗緩緩不住打成細糊塗網一二次或用柿子糲之曬乾聽用。三眠後揀蠶除沙以二網輪流擡換先將網蓋於蠶上以葉撒之蠶聞葉香穿網而上連蠶

又擇種法大
眠起後擇蜂

擡起埽除沙燠輕輕放下不可移動沙厚復擡如前省工且

不傷蠶

撥蟻用蠶篋子或雞翎管分蟻用匙或用手薄揭頭眠後以葉提或用麻布孔如豌豆大者二眠後用麻

布孔如小指大者亦用漆漆過兩扇輪流擡換三眠後即用網擡換惟素中多無蠶網均係以新葉提換添餵新桑葉俟蠶均上葉輕輕以手抓葉至蠶大餵整葉時俟蠶上葉時以手推新葉帶蠶鬆鬆捲起捧放另箔上亦甚便易

一設蠶室要間架寬敞兩頭各置大照窗三眠後可通風涼窗

中間糊捲紙一大方以便啓閉外掛草薦室內隨製火倉蠶

生前七日徐徐以牛糞煨火合閉門窗不令煖氣出外蠶生

前一日稍開門令煙出盡隨卽閉之牆壁須乾透埽淨塵埃

塞絕鼠穴須留猫洞

忌西南西北風

一擇種開簇時摘出近上緊實好繭雌雄兼收

雄緊細尖小單雌圓漫厚大

之肥健食桑
兼倍者月置
一器每日飼
以正條大桑
葉老則月簇
上之溫以微
火使速成繭
摘繭分雌雄
各放一筐單
排之置透風
靜室勿搖動
勿靠牆靠柱
蛾出再揀去
拳拔禿眉等
病蛾而取其
無病者判雌
雄分儲之俟
出蛾多始併
在一處聽其
自相配合四

擺於淨箔上七日而蛾生若有拳翅禿眉焦腳焦翅焦尾熏
黃赤肚黑身黑頭並先一日出末後生者揀出不用將完全
肥好者雌雄相配自辰至戌揀去雄蛾將雌蛾稀布連上連紙
宜厚不宜薄桑皮紙為上構皮紙次之連鋪無風房內用盤覆之生足再令覆
養三五日每日所出之蛾下子記號連上不可將數日蛾子
混在一處致眠起不齊連背要相靠夏秋掛涼處冬收無煙
房內

一浴種初生十八日後清晨汲井水浸去連上便溺臘月八日
或十二蠶生日依法浴畢懸乾再用長竿掛院中一晝夜以
受日精月華之氣立春日用新瓮將連豎立其中每十日午

箇時辰後拆開將雄蛾取過鋪蠶布於筐中而勻置雖蟻於布上不疎不密四面用木界尺擱住更以他物架空蓋好使透氣而不見日光過半日而蠶子布滿矣此法尤善

時展開一次如有雨晴後亦宜取出少通風日清明用韭葉柳葉桃花菜花揉井水內浸浴晾乾移掛溫室。

以上蠶具等皆鄉間自有之物並不費事惟須先期預辦則臨事裕如可以言蠶事矣。

蠶桑備要

署藩憲臬憲曾 編纂

知三原縣事雲中劉青藜補輯
咸甯副貢生固菴蔣善訓校訂

第三篇

養蠶總要

蠶乃衣被之原功與穀對性屬純陽

喜燥惡濕食而不飲

自卵生爲蟻蟻

脫爲𧈧𧈧脫爲蠶蠶脫爲蛹蛹脫爲蛾蛾脫繭復卵紙爲連

屎爲沙蓐曰沙燠卧曰眠脫殼曰起南蠶多四眠北蠶多三

眠總之一七而變四變而老

二十七日

變而死氣化神物爲功

甚大不過費三十日之功辛勤不過大眠後七八日兩夫婦

可獲絲一二十觔值價銀三四十兩精絲造綾緞上可完賦

稅粗絲織絹帛下亦能衣被一家綿可使高堂溫體絮可令妻子禦寒益人如此何憚不為哉

一蠶有十體寒

在連寒熱下蟻

宜熱饑眠後

飽向食

稀布之

密下子眠

蠶小眠時起

宜大起時

緊臨眠上簇

慢方起

宜暗宜煖起

宜明宜涼緊宜緊飼慢慢飼

一蠶有三光白光向食青光厚飼皮皺為饑黃光以漸住食

一蠶有三稀下蟻稀上箔稀上簇稀

一蠶有五廣一桑廣二人廣三屋廣四箔廣五簇廣

一蠶有八宜方眠時宜暗起以後宜明蠶小並眠時宜煖宜暗

蠶大並起時宜明宜涼向食時通風

但忌小孔賊風並西風吹入

宜加葉

緊飼新起時怕風宜薄葉漫飼蠶之所宜須知反此為逆必

遇陰雨溼葉
用米拌立乾

無成理

一蠶有諸忌。濕葉。遇陰雨霧葉。遇大霧乾葉。須擦淨黃沙葉。須擦氣

水葉。

積久發熱即生氣水須用新鮮

香氣。

臭氣。

不潔淨人。

燈油氣。

酒醋氣。

葱韭薤蒜阿魏硫磺等臭。敲擊門窗箔架鑼鼓

爆竹哭泣叫喚怒罵等聲。及生人與凶服人入室。

一說蟻初下連即將

葱蒜酒難忌之物。少擦養蠶筐盤上。以後即不忌。

一蠶室須知加減涼煖。

蟻初生時宜極煖。蓋是時天氣尚寒。大

晴不測。朝暮晝夜不同。一或失宜。蠶病即生。惟在蠶室得法。周置捲窗。中伏熱火。如蠶欲煖而天氣寒者。閉窗。門外掛簾。薦內加炭薪熱火。則外寒不入。和氣內生。若遇大寒。苦宿撥火。不能勝其寒者。則用擡爐。外燒木炭火料。置蠶室四隅。火氣自然熏蒸。覺熱則去餘火。蠶欲涼而天氣熱者。蓋閉火倉。捲起窗紙。涼氣外入。熱氣內消。若遇大熱。閉火捲窗。不能解。

其熱者則去其窗紙下開風眼窗外及槌下俱灑潑新水涼氣自然透達熱退則糊補其窗閉塞風眼使其蠶自初至終不知有寒熱之苦病少繭成一室之功也然寒不可驟加熱當漸而益火寒而驟熱則生黃輭等疾熱亦不可驟通風涼當漸而開窗熱而驟通風涼則變白殭此又不可不知也又正熱猛著寒氣便噤口不食即用擡爐盛無煙牛糞火用杓撥火於槌箔下往來辟去寒氣則蠶自然食葉

一眠起取齊法古人眠起取齊之法至周至密擇種下子寫記日期以同日所生之子爲一起連上如有空缺卽日補滿此齊於收種時也鹹種以鹽醃之淡種以石灰醃之去其子之無力者此齊於浴種時也生蟻之時將蠶連置懷中者則表裏互易不置懷中而裹以棉花者則以中層與上下層互換使煖氣均勻此齊於煖種時也蟻出之後同日時下連先後

下連之蟻各置一器此齊於收蟻時也下連有先有後先一日下連者置之稍涼處減其餒葉頓數後一日下連者置煖處日加一二頓不過數日自與頭一日之蟻頓數相當再一齊餒數日卽齊眠此齊於育蟻時也如法行之種齊蟻齊眠起自無不齊之理然究未能一時盡眠一時盡起者所以昔人又有抽飼斷眠之法抽減已眠者之葉專飼未眠之蠶如分中有三分黃光則是眠者三分未眠者七分卽抽減桑葉三分而以七分葉專餒未眠之蠶如十分中有黃光七分則是眠者七分未眠者三分卽抽減桑葉七分而以三分葉專餒未眠之蠶已眠未眠同置一器其說必不可從眠者色黃純黃之中有由白而漸黃者與純黃又多青白則與純黃相去遠甚飼雖頻亦不及且蠶眠一晝夜以安靜不擾爲得所今以青白者尙多飼而亂之動而擾

之則先眠者失其所矣。迨青白未眠者變而欲眠，則前之眠者已起，因後者方眠而停起者之食，起者既不堪其餓，因前者已起而不停起者之食，眠者又不堪其擾，多病少絲，實由於此。故抽飼斷眠之法，必不可從，其餘收種浴種煖種收蟻育蟻諸法，一一照行，尙不能一時盡眠，一時盡起，若不照行，則種類亂雜，眠起之前後相去更遠，故收種浴種煖種收蟻育蟻諸法，亦不可廢。須各置一器，則未眠者便加餐，已眠者不受擾。

以上養蠶總要講求而試驗之，則胸有定見，臨時自不至有悞。

蠶桑備要

署藩憲臬憲曾

編纂

知三原縣事雲中劉青藜補輯
咸甯副貢生固菴蔣善訓校訂

第四篇

養蠶程式

蠶績幽風最著。地本邠州。蠶具月令特詳。編自秦相。本陝西故物。至今南人仍遵其法。而秦人反失其傳。不咎人而咎土。坐棄美利。異哉。茲編養蠶成法于左。倉鵬鳴而戴勝降。嗟我婦子。幸留意焉。

一祭先蠶。黃帝元妃。西陵氏。始教民養蠶。是爲先蠶。卧種之日。先立先蠶木主。書先蠶神位。或畫像。設蠶室高潔處。割雞設

醴點燭焚無氣味香將蠶蟻之筐置先蠶几案蠶母率闔家奠醴拜禱成繭取絲仍設供拜謝

一立蠶母蠶母者乃主蠶室率領飼蠶者每室必立一人以腹節飢飽以身測寒熱愛護珍惜如慈母育嬰故有母稱男婦皆可爲之男忌臭穢女忌產婦務要殷勤之人

最忌懶惰貪眠之輩

記其法能按規程飼養者身著袂衣

不論新舊務要潔淨

以候涼煖已

身覺熱蠶亦熱宜退火己身覺寒蠶亦寒宜進火務使室中溫和始終不知有寒熱之苦不得頻換顏色衣裳洗手要潔淨不可手掐苦菜食生薑葱蒜香椿大豌豆並飲酒又不可親身拌醋燒石炭衣染惡氣慎之

一量葉下蟻

不可貪多反致葉缺力絀慢事

蟻一錢至老約食葉一百五六十

觔可布滿一箔

什物量蠶豫備

一錢淨子須一丈長五尺寬一箔

頓數多速

老頓數少遲老

養蠶莫巧食到便老殷勤按時餵養蠶室溫煖不惟繭堅多絲亦且省葉絲剋若怠惰因循或飢一頓飽一頓緊一頓慢一頓寒一時熱一時不惟繭薄絲少亦且費葉絲腐難上機杼

慎勿貪睡要緊尤在三眠後七日若二十五日而老一箔可得絲二十五

兩二十八日而老一箔可得絲二十兩月餘而老只得絲十餘兩

餘兩

一下蟻各省節氣不同只看桑葉如茶匙大卽是蠶生之候以

二連相合包綿三四寸置煖炕上再用淨棉衣被覆之不可

寒冷亦不可太熱日夜翻轉十數次開包忌風或將綿包懷

在身上夜放身旁三四日變灰白色次日必出先煖蠶室令

極熱蟻出鋪連煖炕出齊稱記分兩其稱記分兩除連便知蟻數先將蔞

草鋪筐底或多鋪紙天涼或襯棉花再鋪綿紙一層切葉如絲須切碎如米篩

於紙上以連覆葉上聞香自下用隔年枯桑葉揉末亦可有不下翻過自

下再不下是病蟻取去勿用蟻既下連三朝出齊不下連不飼無妨

現采新葉切碎如米篩葉蟻上要薄而勻第一日飼三頓第二日

飼五六頓葉微加厚第三日飼七八頓

一撥寬下蟻餵葉數次之後便覺其密須用蠶篦子或雞翎管

輕輕連蟻帶渣往寬撥使逐處露出紙底然後將切碎如米

桑葉勻灑再餵數次又覺其密又撥開務使稀勻

初下連餞法
先切葉如米
蠶變白即切
細如絲而短
至起底切葉
稍寬如麥幹
亦稍長以便
帶蠶起底前
一日即不須
撥寬使乾渣
稍厚且有絲
牽連與新葉
溼渣自成兩
層推捲新葉
帶溼渣不至
帶起乾渣

一分蟻餵數日。將一篩筐撥滿蟻。又密宜分。或桑渣蠶屎厚宜。
分分時先將切碎桑葉灑於蟻上。俟蟻上葉。用雞翎管帶沙
燠挑起。以手揭如匙大小片子。分布另器。撥勻餵之。至六七
日後。見有一二眠者。即趕緊起底。於六日清晨餵三頓。飯後
餵一頓。共四頓後。蠶盡上新葉。用蠶筷或雞翎管。將四頓濕
葉渣挑起。鬆鬆推捲。新葉溼渣帶蠶捲起。鋪他篩筐。俟起完
有不盡者。再放整桑葉提埽後。將乾葉渣另倒淨處攤開。再
放整桑葉一提。即盡。
舊法將新葉絲篩稍厚。俟蟻上葉。用蠶
匙薄帶沙燠挑起。或用蠶筷子挑起。

一頭眠

將眠 將眠之時。自下連日算起。至第六七日。

陝西省天煖
七八日天涼

八九。即是頭次將眠時候以上葉之次數計之。大約總在三

十次之外。

陝西四十

將眠之狀。頭帶綠色。尾帶淡紅色。俗謂之

見紅綠絲。身肥皮緊。色白而亮。

由青轉白亮。在已變白。口吐色之後。未變黃色之前。

絲於葉上。俗謂之沸絲。此時將打裝。尚未打裝。

打裝則仰面向上。身子不

動。乃眠熟之狀。

易器之法。眠時不可驚動。宜趁將眠未眠急

非將眠之狀。

體一次。蠶屎桑渣。謂之替子。或以網擡過。或即以桑葉提過。此盤之蠶。移置彼盤。抽出替子。謂之體刮。亦名起底。

昔人云。蠶變黃光之時。急須體刮。此說不可從。以黃光一見

蠶。即熟眠。眠後體刮。恐不堪其擾也。又云。將眠之先。一定旺

葉三四餐。

謂此三四餐。食葉最旺也。

旺葉之後。必然沸絲。沸絲之後。就要

打裝。連忙體刮一番。此說宜善於體會。以體刮應在沸絲之

前不應沸絲後也

蠶色善變初起色灰越二日夜變為青光又一日夜變為白光漸漸發亮又一日夜

即變黃光當白光發亮之時即是將打眠裝之時不過一箇時辰必定沸絲宜白光趁發亮將沸絲尚未沸絲之際速速用網擡過或用新葉提過體刮一番若黃光一見即打眠裝體刮已屬無及且蠶眠將起時全賴此絲扯住脚跟方能脫去蠶殼打裝之時絲已沸盡至此始行體刮必將眠脚扯斷將來起娘之殼必難脫出此至要關頭也不可不知

餵葉之法體刮後必須餵葉宜加勤宜漸薄

保護之法宜

煖宜微明忌風忌穢氣比平時更要謹防

熟眠

熟眠之時從下連後算起至第七八日

陝西或第九日或十日

即是頭眠時候從沸絲算起一晝夜方能箇箇眠成

蠶不眠則殼不

脫殼不脫則身不長

眠熟之狀色微黃頭向上身子不動謂之打眠

裝背縮入不食謂之結背背縮之後旋又徐徐吐出謂之吐

贅直至背上隱隱有一點尖角紫蔭方纔吐全謂之眠娘眠定

時贅長頭腫而光

保護之法宜暗宜溫煖煖則一日夜可脫殼寒則一日半或二日方能

脫宜避風尤忌西北風西北風一吹便吐贅不出宜避穢不可餵葉不可驚動

蠶器蠶方吐贅驚動則贅又縮入若要再吐則不容易用礬糠灰篩於蠶身之上或用

細石灰篩於蠶身之上以收潮濕如此則眠娘易於脫殼置之靜室以俟其起

眠未齊 易器之法未眠之蠶與已眠之蠶不宜併在一處

先一日眠者必先一日起後一日眠者必後一日起若勉強

合併則一器之內有已眠者有未眠者覆壓擾亂甚不相宜

必須篩糠灰於蠶上布桑葉於灰上俟未眠者脫灰而出便

可移置他器 餵葉之法易器後餵葉宜勤切勿偷懶餵至

數次則未眠者亦眠矣。

昔人所謂頻飼以督其眠。即指此時而言。若認定眠與未眠差時不久者。

儘未眠多處添葉。未眠之蠶皆聞葉往食。多飼以督之。不易器亦可。如眠與未眠太差久者。必須易器。

眠定

仍篩糠灰於蠶上以俟其起。青頭蠶易器餵葉之後。仍不

能眠。俗謂之青頭蠶。養之無益。檢出丟棄可也。

蠶雖好亦不能絕無青頭

者。或云頭眠易脫殼。無壞蠶。

頭眠初起。眠起之時。自下連後。算至第八九日。

陝省有十日。或十一

日者。眠者即脫殼而起。以眠後計算。大約一晝夜即起。眠起

之狀。眠娘色微黃。鬚微闊。

鬚闊方而短。頭皺身毛。

衣已盡褪。則起矣。俗

謂之起娘。

衣皮也。眠一次則鬚闊一次。衣寬一次。蓋其鬚其衣皆於眠時潛換也。

保護之法。

宜微明。宜微煖。宜禁止煎炒。

一見起娘。竈上即須禁止煎炒。油腥之氣吹入蠶室。起娘嗅此

氣則登時不必急於餒葉因其口尙嫩也且恐有齧已闕而生病也衣未盡脫者若食葉太早則腹大

而未脫之衣脫不下矣必待箇箇起齊方可餒葉

頭眠起齊餒葉之法箇箇起齊灰下無一眠者起者必脫既起

再看桑渣蠶屎之上有絲布滿則起娘觜老便可餒葉蠶眠

欲餒葉時先於室中燒初次育蟻起出之桑渣一撮謂之香體蠶聞此香便即思食此是醒胃之法先起過半一日祇餒

一次起齊第一日同餒三次以後每日七八次每一晝夜約餒四五次頭眠起齊之後二眠之前

中間三四日最爲要緊此三四日設有小病到老必無收成第一不可受餓夜間不可貪睡起齊後第一

次布葉須薄而勻蠶眠時器內篩有糠灰起後蠶器乾燥所布之葉易枯枯則蠶不能食故布葉宜薄

俟食去三分之二即再布一次不必俟其食盡第三次布葉不妨稍

厚以後蠶漸大葉亦漸厚須食盡再布易器之法天氣煖

則隔一日體一次

因此時食葉漸多桑渣簍屎較前易厚也

天氣寒則隔兩日所

易之器紙下仍襯以灰

保護之法宜煖宜明忌風忌穢

一二眠

將眠 將眠之時頭眠起後越四晝夜卽是二次將眠時候

亦有因天氣煖和越三晝夜卽要二眠者以上葉之次數計

之總不過二十次以內

此指四眠蠶而言若三眠蠶頭眠起後越七日纔二眠

將眠

之狀與頭次將眠同 易器之法餵葉保護諸法均與頭次

將眠同

熟眠 熟眠之時從頭眠起後算至第五日

陝西有第八九日者

卽是

二眠時候若從下連後算起大約不過十一二三日

陝西有第十六

七日便當二眠。熟眠之狀與頭眠同。保護亦與頭眠同。

眠未齊。易器餵葉之法均與頭眠未齊時同。

二眠初起。眠起之時從眠後計算一晝夜即起。陝西有天生

天涼二日者起娘之狀與頭眠起娘同。保護之法亦與頭眠初

起同。

二眠起齊。餵葉之法與頭眠起齊同。此時不可使蠶受餓。

每一晝夜須餵五六次。易器之法天氣煖則一日體一次。

因此時桑渣蠶屎較前益厚也天氣寒則隔一日。所易之器紙下不必仍前。

襯灰。如遇天氣過冷隔一日仍不敢體刮。則用乾茅草碾柔。

灑上再布桑葉以隔濕蒸。俟晴和再體。保護之法與頭眠

起齊同。此是要緊關頭務必小心保護不可使蠶受病。

一三眠

將眠。將眠之時二眠起後越三四晝夜又將三眠以上葉

之次數計之大約總在二十次內外。

此亦指四眠蠶而言若三眠蠶則二眠起後越

七日纔三眠。

將眠之狀與頭二次將眠同。易器餵葉保護諸

法均與頭二次將眠同。

熟眠。熟眠之時從二眠起後算至第五日。

或第四日。即是三眠

時候若從下連後算起大約不過十六七日。

或十八日。大約七日一變是舉

其常一在地氣房屋冷煖一在餵葉頓數一在蠶種有同一地方而遲速不同者若為日過多非蠶不齊即葉不足其蠶必不佳。便當三眠。眠熟之狀與頭二眠同。惟頭二眠背上隱

隱有尖角。三眠膏上明明有尖角。稍不相同耳。保護之法

與頭二眠同。稱蠶之法眠定後逐一拾出。不可破損其身亦不可擦傷其

膏恐脫殼不下也。置光滑器內以秤稱之。爲此後桑葉計也。三眠蠶一觔至老時可得繭八九

觔或十觔不等。前後食葉一百四五十觔。除三眠以前所食不計外。以後尚須食葉一百餘觔。稱時須人多

手速。人不多手不速則久罨致傷。稱準須置曬簍內。曬簍即大蠶盤也。篩灰於蠶

上以俟其起。此湖州法也。杭州人養蠶須俟大眠眠定之時。方以秤稱之。如照杭州法則三眠眠定之時不

必稱其觔兩。只篩灰於蠶上以俟其起可也。

眠未齊。易器之法。篩灰布葉與頭二眠未齊時同。所不同

者。惟篩灰布葉之後。未眠蠶脫灰而出。有在葉下食葉者。不

過遲眠數刻。只須餵葉以俟其起。不必移置他器。有在葉上

食葉者。用手指輕輕拈出。另置他器。不必用蠶簋子耳。

若以蠶網

擡置他器。則不特不用蠶簋子。併不用手拈。

餵葉之法。易器後仍餵葉以督其眠。

與頭二眠未齊時同。

稱蠶之法。未眠者眠定仍以秤稱之。

稱準後仍篩糠灰於蠶上以俟其起。

如照杭州法。則此時不稱。祇篩糠灰於蠶上。以

收濕氣。

青色蠶。此時有蠶色甚青。

皮內如有油。

不食葉而在葉上掉

頭不住。似有所苦者。此終不能眠。眠亦無用之蠶。急棄之。

三眠初起。

眠起之時。三眠亦以一晝夜為率。

陝西或二日。

起娘

之狀。與頭二眠起娘同。

保護之法。亦與頭二眠初起同。

三眠起齊。

餵葉之法。箇箇起齊。方纔餵葉。與頭二次起齊

後同。所不同者。甫經開口。未餵桑葉之先。可餵柘葉兩三次。

既餽桑葉切過三四次之後可用整張大葉不必再切耳此

時食葉較速務須晝夜布葉

食盡即上

每一晝夜餽葉八九次白

晝約可六七次

天寒則食葉稍緩約只得布四五次

黃昏時布葉一次宜略厚

三更後再布一次亦宜略厚

此兩次必須加厚者以夜間易布葉必不能如白晝之勤也

器之法與二眠起齊後同與頭眠起齊後不同保護之法

與頭二眠起齊後同惟起齊之次日可去蓐草謂之落蓐與

頭二眠起齊後不同耳

一大眠

將眠將眠之時三眠起後越四晝夜又將大眠亦有早至

三日者遲至五日者

以天氣有冷煖食葉有疾遲也

以上葉之次數計之大

約總在三十次以外

此亦指四眠蠶而言三眠蠶只眠三次無大眠

將眠之狀與

頭二三次將眠同

易器餵葉保護諸法均與頭二三次將

眠同

熟眠

熟眠之時從三眠起後算至第五日

或第四日第六日

即是

大眠時候若從下連後算起大約不過二十一二日內外便

當大眠將眠之狀與三眠同保護之法與頭二三眠同

稱蠶之法眠定後逐一拾出置於平底盤中

不拘方圓竹木但忌新油

新漆者

盤滿則以秤稱之

大眠蠶一斤老時可得繭二斤前後食葉約二十五斤除大眠以前所食

不計外此後尚須

稱時須人多手速稱準則堆之大曬簍內

食葉二十斤有零每斤分作五六堆堆旁須留餘地以待其散

用粗絹篩陳石灰於堆上石灰須以

收其溼氣再用鋤刀將秬稻草截作半寸許。與餞牛馬之草料相似。覆

於石灰之上。以不見蠶身為度不必過厚。以待其起。此杭州法也。湖州人養蠶先於三眠眠定之時以秤稱之。如照湖州法則三眠眠定之時已經稱過大眠眠定之時不必再稱只篩石灰於蠶上以待其起可也。

眠未齊 易器之法與頭二三眠未齊時不同蠶上不必篩

糠灰只用整張大葉勻鋪其上。以葉之光面向上。其已眠者伏葉下

不動未眠者必上葉就食接連鋪葉數次。葉上蠶多即再鋪葉不必俟其食盡

未眠者與眠者已隔數層桑葉將葉捲起則未眠者盡在葉

間隨即勻鋪他器中 餞葉之法易器後仍餞整張大葉以

督其眠 稱蠶之法未眠者眠定仍以秤稱之稱準後仍以

石灰覆蠶上以俟其起。如照湖州法則三眠時已經稱過此時不必再稱只篩石灰於蠶上以收

溼氣

大眠初起 眠起之時大眠一晝夜後蠶必脫灰脫草而散
儻天氣寒冷則其起較遲有遲至兩三日者只宜靜候斷不
可促之以火起娘之狀與頭二三眠起娘同 保護之法
與三眠初起同

大眠起齊 餵葉之法堆已散盡無一眠者便須餵葉第一

日先餵柘葉五六次再餵桑葉絲乃韌而有光

韌音忍柔而固也無柘葉

者專餵桑葉

第二日巳午之間以臘月所藏綠豆粉拌桑葉餵一

次

先攤桑葉於蠶盤內以新水漚拌再用細羅篩篩綠豆粉於葉上拌令極勻每葉一匳用水一升豆粉四兩可餵蠶

五六

可解熱毒且蠶絲堅韌有色易於抽繅或用臘月所藏

熟米粉拌桑葉餵之亦可第三日以臘月所製桑葉麪拌桑

葉內間空餵三五次

灑水篩拌均同和并豆粉法

比豆粉米粉更好

製桑葉麪

豆粉米粉各法詳蠶食無麪粉者專餵桑葉

第四五日專以桑葉餵之蠶自大眠

之後食葉愈速布葉宜愈勤

正面反面皆可不拘淫葉露葉霧葉黃沙葉氣水葉皆可不忌

務須晝夜餵養食盡卽布不可稍饑每一晝夜約餵十餘次

此時多食一口葉則上山後多吐一口絲

易器之法莫妙於用蠶網

大眠起齊之後食葉

愈多桑渣蠶屎較前更易厚不體則蠶受蒸鬱臨老多病此時舊衣纔脫蠶脚尙嫩未可掇動早體則掇動蠶脚日後絲縷不純惟以蠶網體之便可免受蒸鬱又不掇動蠶脚且簡便省力如無蠶網切勿早體遇天

煖則於起齊後二日體之遇天寒則於起齊後三日體之三

日之後須每日體一次

因脚漸蒼老不妨掇動也

保護之法與頭二三

眠起齊後同。但頭二三眠起齊後宜煖。大眠起齊後宜涼耳。

以蠶長十分。葉增十分。渣多屎厚。易於發熱也。天時亦煖。須捲起窗外簾薦。開窗下風竇。

並剪開窗紙。蠶陡見風。日則驚而生病。須以漸爲之。惟雷電交作。則須密閉窗

門。毋令電光射入。或西南風起。或夜氣太冷。亦須放下門窗

簾薦。若遇天氣暴熱。則門外置甕。貯以清水。或灑水於門外

地上。以透涼氣。天氣平和。則不必。白水蠶起齊後兩三日。

見有蠶身獨短。其節高聳。不食葉。而常在葉上往來。腳下有

白水者。宜急去。毋使沾染他蠶。

一地蠶

五則此法乃蠶多器少者不得已而爲之。蠶若不多。不必用此法。

設倉 大眠起後。蠶身愈大。用器愈多。如無器物可分。只好

於地下設蠶倉以代蠶器俗謂之放地蠶但不宜早放

放太早則

挫動蠶腳且蠶既下地桑渣蠶屎堆積太厚亦無法可去

須俟開口兩三日乃放倉內

蠶腳

已老無妨挫動又為日無多桑渣蠶屎不至堆積太厚

設倉之法先擇屋內明亮有地

板者打掃潔淨次以稻草搗軟截作寸許鋪勻地板上再置

地蠶凳於稻草內無凳則以厚磚散置其中

磚彼此相距二尺須安置穩當

使布葉者有立腳處

倉邊四圍用厚木板圍住

或用小土磚圍住亦可倉之大小以蠶之多寡

酌之然後以蠶勻布草上如無地板則先鋪石灰再鋪稻草如

無石灰則先鋪粗糠再鋪稻草

地面多溼氣非蠶所宜粗糠稻草須用極燥者

布蠶布蠶於地不宜過稀

過稀則費葉

不宜過密

過密則老得不齊

不

宜遠擲高拋

遠擲高拋則蠶身傷損

鋪葉 蠶既下地，居高放葉，切莫拋擲，須蹲踞凳上，或塼上，輕輕布之，務使均平。如有手不能到處，則用細竹枝挑之，使勻。

隔蒸 蠶放地下，雖爲日無多，桑渣蠶屎，不致堆積太厚，然遇天氣溼熱，氣卽上騰，總不免蒸鬱之患，須取乾茅草切細，勻撒蠶倉，再布葉於茅草上，則蠶聞葉香，緣茅而上，所撒茅草，均在蠶身之下，可隔溼熱氣，此亦救急之一法也。

放倉 蠶倉之旁，須留餘地，倉內蠶如太密，則將倉之邊際，漸漸放開，添設立腳土塼，再切稻草勻鋪地面，而以密處之蠶，移置放開之處，俗謂之放倉。

一上簇法大眠起齊後第一日夜祇飼三頓初飼宜薄但令二

頓尤薄三頓如第一頓以後一日夜飼七八頓須時時挾葉

繞箔巡視但見箔上有空隙處卽以葉補合大眠後食無停

減一分絲故但見有空隙處是蠶先食葉盡也止缺一分葉卽

卽用葉補合晝夜巡視全在此數日否則繭薄飼至身肥嘴

小絲喉漸亮蠶將老時先自喉間明亮漸及通身蠶肥身硬

蠶將老之時也飼之宜薄且頻養老如養小亦如人老多食

濕薰蒸其所結之繭宜微暖如老不耐寒然亦須量度天氣

亦必濕潤抽絲最難微暖不過一二日之間便可上簇矣得絲多少全在此數日

按法飼養只在二十六七日便可上見有老者依抽飼斷眠

簇若日數愈多葉愈費而絲愈少也法宜薄宜頻候蠶盡皆身體透明不食遊走

蠶性聚而不散守而不走如有

遊走者，是病蠶也。棄之。今蠶老絲成，遊走上椽，尋簇作繭，乃造化自然之妙。是作繭也，急宜撥之。

上簇

一摘繭法。上簇六七日之間，方可摘繭。摘時將堅實良繭，另放

一器，將薄繭兩頭薄的繭，有孔的繭，二三蠶相合的繭，血蠶

繭，擇出另放一器，製作綿用。

良繭，繭絲最利而且勻淨。若雜以病繭，不惟繭絲絆扯，而且粗

惡不勻。若惜病繭，則反壞良繭。求多絲而反少絲。

凡繭長而瑩白者，絲細；繭大而晦

色者，絲粗。

絲以白者為上，黃者次之。

摘下攤於通風涼房內，箔上厚二三

寸，不可過厚。厚則發熱，絲腐難繅。五六日之間，方可繅絲。

若早

繅，則繭嫩不利。若白繭更遲一日。

遲至七日後，則蛾生。

若繅之不及，有蒸餾之法。

一蒸繭法。繭以生繅為上。若繅之不及，古人有鹽醃瓮泥日曬

之法雙山云未善今人用蒸餾之法最好其法先將繭外蒙

茸之衣扯淨

是蠶初營繭而作者收此繅衣甚暖

用蒸籠三扇將繭鋪於籠內

厚四指許以籠兩扇安於鍋上蒸至熱氣透出頻於繭上以

手背試之如手不禁熱卽扯去底扇卻續添一扇在上鋪繭

如上法不要蒸得過了過則輒了絲頭亦不可不及不及則

蛾仍生如手背不禁熱方是蒸得合宜將蒸下繭子盡攤於

通風涼房內箔上用鐵刀撥動厚三四寸候冷定用細柳稍

微覆之

若欲久留時常攪撥陰乾

大約一日之內須要蒸盡

蒸時須在繭摘六七日之

間不然恐來日蛾出如法蒸晾雖徐徐縲至數月亦無妨但

蒸過之繭日久必乾縲時須入油鹽方得絲頭順利如繭少

者不必用籠雙山只用大竹篩一箇鋪繭於內亦厚四指許繭上置鮮椿葉一箇以布單覆篩安鍋上蒸至椿葉變色爲度取下攤晾如上法摘繭蒸餾之法已備方可以言繅絲矣一繅水絲法水絲者乃冷盆所繅之絲也精明光彩堅韌有色絲中上品錦繡紗羅之所出也雖曰冷盆亦是熱釜提頭摘去黃絲亂茸單留清忽送入溫水盆中以數忽相合成絲自然光淨勻細勝於熱釜其法用小鍋一口徑一尺餘者爲上砂鍋次之鐵鍋爲下鍋小則下繭少旋下旋繅則絲性不損若鍋大下繭必多繅之不及煮傷絲性腐爛無力且成疙瘩粗周圍用土壑泥成風竈如泥燒鍋火門向上如湯碗口大浸者只照平常泥鍋法但多用一人燒火柴往下燒火焰繞鍋底而後出鍋後相

去六七寸再安一小鍋

火從下過鍋水亦熱以備換鍋內盆中之水

後作長烟洞

用椽二條長一丈斜安在鍋後對接烟洞高四五尺二椽相

去闊一尺椽上平鋪土壑一層兩邊側立磚坯上復平蓋一

層以泥泥之便

成一長卧烟洞

使烟遠出免致薰偏纒絲之人鍋高與纒人

坐而心齊

坐高一尺左邊安大水盆一口較之鍋高二三寸

尺餘今飲牛瓷頂盆最好如無即

盆上橫安絲車一個

用大瓦盆一箇內置溫水九分滿盆上橫安絲車一個

簡貫以鐵條或用木輓軸貫鐵環內轉動沉滯響甚聒耳猶

未為善雙山製一不響之車其法用一木椿削方徑寸半高

過纒盆五六寸插在盆邊地上近頂處安一橫桃亦削方徑

一寸三分長與盆齊其橫桃當盆之中豎安兩小柱高四寸

兩柱相去三寸餘在近上橫安一細竹條如簪幹狀貫一輕

匏輓軸匏即葫蘆皮其制用匏二圓片徑寸餘兩片相去三

寸近邊一週俱插細埽竹幹亦如簪幹狀成一圓籠樣兩匏

片當中鑽一孔棲一竹筒貫於細竹條上令其滾轉活動無

滯軸下木枕當中鑽一孔內棲一小竹筒孔如豌豆大枕下

露出三四分此車不用錢眼纒時將絲頭用埽竹芒子從孔

中引過上軸掄交此絲車槩無銅鐵滾轉最輕快利無比總無響聲靠盆邊又立插一木棍名爲絲老翁以挂清絲頭纒盆右邊安置絲軋離纒盆三四寸軋式最多有重大繁難者布交不清解絲不便雙山製簡便絲軋一周八交易於尋頭一手攪軋一手添絲頭遲速由人較之腳踏大軋甚便其制用立木椿一根徑三寸高五尺下作木架立安其中頂頭安一橫枕長三尺五寸以懸搖絲竿椿中間安一木軸徑寸半軸上貫安絲軋軋如車輪有頭有輻頭徑五寸周圍裁輻八行每行二輻上安平枕輻高一尺五寸枕長八寸安雙輻者七枕惟一枕只用單輻將單輻中間斜鋸成兩截如馬耳樣用時相合以麻繩紮緊待絲滿軋解去紮繩其枕自脫絲遂可卸頭後邊樹立一圓木檟高五寸徑三寸底微尖如鍋底樣中間監安一細柄高二尺柄頭安三寸長拐拐頭平串連搖絲竿竿以竹片爲之長三尺五寸中間錠一銅鉤子以提絲擺交其橫枕近稍處縛一竹圈貫搖絲竿於內令其擺搖活動無滯又於輻條中間安一木檟長四寸手握攪之則木檟自轉搖絲竿自能擺動其絲根根相爲斜壓略無分毫紊亂後日絡車解絲時頭自在交中不難尋覓雖夜間亦可解之纒時用一人提

絲頭先將鍋下燃粗乾柴柴細則火忽大忽小水則忽冷忽熱燒水至大熱但

可滾滾則傷絲方將繭子一大把投入鍋內用筴輕輕挑撥令繭滾

轉盪勻又以筴左右亂攪數次挑起自然帶出絲頭以手捻

住於湯面上提掇數度如有破頭壞繭不利者盡行摘去先提

撥起粗頭混絲不可輕棄用一木板寬五六寸以手纏在上面他日作粗細作緯用提掇纏攪清絲已

出將粗頭摘斷用漏瓢昏繭送入溫水盆內瓢用瓜籬將底多鑽孔眼將

清絲挂在盆邊絲老翁上此時繅人將絲老翁上清絲約十

數根絲之粗細由人細絲不過十一二根粗絲二十餘根白繭絲細黃繭絲粗縷時斟酌上頭不可不知總為

一處穿過絲車下竹筒中扯起從前面搭過輓軸從軸下面

掬來於輓軸上拴一迴再從拴過中掬繳一迴不可拴成死

過須令扯之滑利活動

成絲全在此處絲係散忽用絲車拴

散脫古書所載纰絲之法多是耳聞軋圖纰法俱無纰車豈能成絲將絲挂在搖絲竿銅鉤中

又將絲頭拴在絲軋平枕上此時攪動軋輪絲車隨之輾轉

搖絲竿自然擺動其絲勻勻縐在軋上一手攪軋一手添續

絲頭其快如風自然之妙甚是美觀軋轉絲上時時下繭提

頭斷續不絕常要照看撥掠絲窠內有繭絲先盡蛹子沉下

者有絲頭斷了繭浮出絲窠外者其絲窠便減少即取清絲

約量添加務要絲窠常勻

眼專看手頻撥頻添添不過三四絲少添則細了多添則粗了如添

不及手攪慢些如添太過攪緊些務要絲條通勻

纰絲貴細圓勻緊使無匾漫節核

粗惡不勻添絲要訣務將絲窠分開以手中食二指

食指係手二指

捻取絲老翁上清絲三四條以手在絲窠將絲頭向絲眼上猛一提頭隨絲輪自然夾帶上去此絲頭便在裏邊外自無接頭疙瘩此名全繳圓緊通勻是爲上等如將清絲頭纏在絲窠外邊帶上去便有接頭疙瘩絲便減價不可不知

一軋上絲約有四五兩便可卸卸時將單輻托繩解去其枕自脫徐徐取下挂通風處晾乾每絲一軋用紙撚四條勻布拴之不使散亂輕輕擰成把子包裹收藏

繭多者作雙頭縲之更好一軋可縲兩軋之絲只將軋枕造長一尺四五寸能擺絲兩行搖絲竿上鉗錠二銅鉤相去三寸餘絲車亦鉗造二輓軸相去三寸餘鉗上兩條頭一人照

看撥掠，纛如上法，功必倍之。

一、纛火絲法：安鍋如上法，亦作卧烟洞，使烟氣遠出。纛人自得

安詳。鍋上橫安絲車一個，其制亦如上法。鍋右邊安絲軋，亦

如上法。纛時將水燒令大熱，不可滾，滾則煮損絲性。將繭投入鍋內，以

筯撥攪，提起絲頭，用手捻住，穿過錢眼。纛火絲頭不用在竹筒中穿過，只將絲車

下枕前面平安一錢令穩，將絲頭從錢眼穿過。扯起搭在軋軸上，又從下面掏過，拴

在軋軸之上，一迴，又於拴處再掏絞一迴，不可死拴，以致不

能滑利軋轉。絞法與纛水絲無異。將絲挂在搖絲銅鈎上，再將絲頭拴

在橫枕上，一手攪動，絲車隨軋而轉，其絲自然上軋，其快如

風搭頭時，頻以筯撥攪，將絲窠分開，以筯夾亂絲，從中向錢

眼猛提其頭自爲眾絲帶上自無疙瘩若從絲窩外邊纏繞而帶上其絲便粗惡不勻欲作粗絲者多下鹵鍋宜熱些欲作細絲者少下鹵鍋宜溫些時看絲窠頻以筯撥上頭斟酌下鹵定住火候勿使忽粗忽細以致絲不堪用

新鹵生縹爲上如蒸過日久恐絲頭乾燥不利者不論火絲冷盆絲俱於初下鹵時入鹽一兩油半兩於鍋內須先以枝條一撮打半晌令水與油鹽爲一然後下鹵如鹵多者斟酌油鹽旋入

一縹絲腳踏車法採鹵下先剝去外衣入鍋煮之以鹵六七枚各撈其頭縹成一縷者爲細絲以十二三枚縹絲一縷者爲粗絲縹絲用手車不若腳踏之靈活人工亦省男工腳踏車車牀高絲竈高與胸齊縹絲者可立而不可坐浙式係婦女

坐踏尤便女工。又纒車下須用炭火一盆帶纒帶烘絲燥而白不烘而聽其自乾則其色黃又煮繭不宜燒松柴因松有烟煤絲染其氣色不明亮尤不可不講也

一做綿法留種出蛾咬穿之繭爲蛾口繭最好以及下架時摘出之薄繭鬆繭孔繭血尿繭兩頭薄繭二三合做同功繭均

可做綿杭州做綿之法先去污

水浸各項醃繭以紋不出污水爲度

次煮熟

纒

已畢先以桑枝或稻草燒灰滌汁入鍋再以大碗盛香油一杯用灰水冲入碗內俟鍋中灰汁煎滾時卽將浸去污水之各樣醃繭及蛾口繭絲搭頭併投於鍋隨以碗內油灰水一半勻澆鍋內數滾之後將繭翻轉後以所餘一半油灰水入鍋再煎務期煮熟次漂淨煮熟之後乘熱取置篩內放水淘洗潔淨次剝開漂淨之後挨箇剝開次做手透子剝開之後以繭套於左手之上以右手摘去蠶蛹將繭徐徐拉扯一邊拉至手掌一

邊拉至手背謂之剝手繅亦謂之做手透子約計
大繭五六箇或小繭十餘箇可做一箇手透子
次做綿兜
做成手透子之後卽將手透子蒙於綿豁之上將綿扯寬扯
長然後逐層加增逐層拉扯約計手透子四箇可成一箇綿
兜
次曬乾做成綿兜之後隨湖州做綿之法與杭州大同小
異去污之後杭州以香油一杯煮繭湖州則以木蠟燭油二
三四兩同煮煮熟之後杭州乘熱淘洗湖州則以清水漂浸
四五日換水三次剝開之後杭州以繭數箇或十數箇做成
手透子然後將手透子蒙於綿豁之上做成綿兜湖州則以
繭四五十箇套於左手上手將綿扯至手掌手背再以右手插
入綿內徐徐拉長徐徐拉寬卽成綿兜隨時曬乾不再蒙於
綿豁之上或先乘濕拉鬆曬乾再細拉卽成好綿若繭中有
裏蠶蛹與血尿汚者起後於清水溝捶洗之蛹皮自脫亦成
好綿

一抽線法先將絲綿掛綿叉上次以左手大指二指中指捻綿
向下拉扯以右手大指二指將左手抽出之綿捻而成線如

紙然子
一般

俟線長尺餘，然後將線之下截，纏繞蘆筒之上，復以手撚之，自然將墜梗帶動，墜梗愈旋轉，愈下墜，線亦愈引愈長。俟墜梗至地，卽解開螺紋上之綿線，纏繞蘆筒，復以其餘纏繞螺紋，仍用手撚之。俟筒上綿線纏成大捲，再將筒取下，另換一筒，謂之打綿線，以勻爲佳。不必過細，可織綿紬。

又各樣醜繭，不論何項蠶繭，凡可做綿者，皆可抽線。但抽線在成綿之後，綿以鬆爲佳，以絨爲妙。如不鬆不絨，便難抽扯，須

照製繭紬法，將綿浮放水面，以小竹枝帶水擊之，取出曬乾，

便如彈熟之綿花矣。或先以滾水淋木炭灰，

務要淋得極鹹，用舌銹試，以辛

粹刺舌爲度。

次以竹篩盛繭，舂許，再將炭灰汁入鍋內燒滾，於繭

上勻潑數次。然後將繭篩安置鍋上。以滾炭汁淋之。篩中炭汁仍入

鍋內。用手試扯。以絲開爲度。如扯不開。取汁再淋。絲開之後。將篩置鍋內。

蒸一杯茶時。然後取出。蒸如不及。則生而難扯。取出之後。將蒸如太過。則腐而無筋。

繭翻轉套於篾子之上。俟一二十層。然後取下。取下之後。再

浸於淨水盆內。以手握洗十餘次。以去灰氣。然後如法抽扯。

又繭統絲頭繭統。卽攤繭時。剝下繭衣。絲頭。卽煮繭時所摘下

者。均可搗爛做綿。但其性均不甚煖。湖州人以之抽線。不以

之做綿也。繭統無污可去。剝下之後。不必水浸。煮時亦不必

用柴灰汁。稻草灰汁。只以清水煮之。煮熟後。用手撕開。放薄

板上。浮於水面。以小竹枝帶水擊之。以打薄打絨爲度。取出

曬乾便可抽線矣。以絲頭抽線者，法亦如之。

一附養二蠶法原蠶

原者再也。一歲再養者，一名夏蠶，一名熱蠶。廣人呼為細蠶。一名二蠶。原子為珍。珍

子為愛。三月至十月能生入輩。此另是一種。出自廣東。秦中桑少。人不知養。雙山曾託人在廣東帶來養之。得良繭。惜桑少不能月月養之。遂失其種。桑盛之時，何難於廣東再帶。蓋彼處有一歲三生四生入生者。秦中只取得三生者佳。春養出夏種。夏養出秋種。秋養出來春種。不可有關。關則絕種。秦中春蠶亦偶爾有夏生者。雙山家一歲四卧一生蠶。忽生原蠶甚多。養之亦得良繭。但出無定時。一歲再登非不利也。然不限多少。又非人力所能。不可為常。

王者法禁之，為其殘桑也。有言蠶與馬同氣，物莫能兩大。故禁再蠶者，為傷馬與。此見理不明。

乃謬言也。特以桑不宜斬伐太過。太過則次年葉便遲生，恐誤春蠶，故禁之。

倘春蠶不幸偶遇天災，夏秋養之，以補歲計。其法於立夏前三四日，將蠶連即原蠶種以棉花包裹，置溫處一二日，即生蟻。養法與春蠶無異。一十

八日而老。上簇六日而摘繭。七日而蛾出生卵。又七日而卵

自生。蟻是爲原蠶。其飼法必勤而無閒。

葉盡即添

毋使饑吞火氣

而病。但夏月天氣大熱。蠶室務要通風涼房。南北開窗糊之

以紗。或用密孝帽麻布糊之。或門窗俱掛細密竹簾。或荻葦

簾亦可。務使通透風涼。不令蚊蠅入內。

蠅於蠶身生蛆。蚊能叮傷蠶膚。最能壞蠶。

始終不可捲起門簾並窗扇。致令鑽入。慎之。蠶沙每日早晨

掃除。勿令濕生白膜。秋蠶亦宜如此。三眠後常飼以菜豆麩

以解熱毒。將菜豆用溫水浸生芽。曬乾磨爲麩。用葉一筐切

碎。灑以新水。拌菜豆麩五六兩。三眠後間飼三四頓。又飼水

一十八日而老。見利甚速。夏蠶亦不可多養。只須些少。以度

秋種。秋月養之。比春更穩。但秋蠶初宜涼。漸漸宜煖。正與春

蠶相反。

春蠶初宜煖，後宜涼。秋蠶初宜涼，後宜煖。因天氣故也。但夏秋蠶尋草，須用陳稻草，搗令軟爛爲之，勿用

麥，初糊窗以紗，漸漸天寒，復用紙糊之。及至臨老上簇之時，

天氣更寒，室中亦可用火。至於上簇繅絲，其法與春蠶皆同。

以上種桑養蠶成繭，好繭取絲，壞繭做綿，絲統，絲挽手。

即絲。

頭抽線，諸法皆備，已無遺利。若再學織紬做線，其利更倍。

然非師傳不可。教男子須機房，教女工須女師，非書所能

傳，故不備錄。

附三原桑園蠶婦養蠶簡易法

婦夫婦二人一幼子夫採桑婦育蠶兼乳哺造飯養蠶三架頭

二眠時婦尙出門與人做線聽戲惟大眠後忙入日添幫工
一二人每年僅需一月成繭二百三四十斤取絲二十斤其
蠶甚齊一日上簇二
日卽上完繭皆堅厚

蛾下子於暗處避風處將蠶連紙鋪棉套子上辰時將雌雄蛾
放連上用蠶盤蓋住外遮以紙或卽用紙蓋四邊用筷子壓住
俟午後申酉閒將雄蛾摘棄將蠶連提兩角一抖以去屎尿仍
放棉套子上用蠶盤或紙遮蓋俟一連下子滿將活雌蛾再揀
放他連將子滿之連取出晾乾薄灑木炭灰於連上卽不出二
蠶過伏將灰抖去俟臘八日清晨用井華水將連潤濕卽提起
懸挂屋內晾乾再用棉花包好懸挂不熱不冷之屋內開年二

月初漸移稍熱處俟穀雨桑條發苞吐葉時移放熱處仍用棉花厚包蠶煖卽自出

人身煖出者不穩

初出二三成不下連到第三日

將新桑葉切成絲再橫切成米用手揉散勻灑蠶連仍摺放用紙包住不用棉花到四五日出有七八成再用軟鷄羽埽下先埽光盞盆內用三指捻麪一撮米一撮椿葉切兩三節蒜苗切兩三片放盆內一邊盆外點油燈一盞放酒一杯噴漢煙一口各氣味之難忌者初下連見過以後卽不忌由盆內埽聚一堆用鷄毛挑放紙上以翎管撥勻移放篩筐紙下多襯紙幾層卽煖如天涼襯棉花其連上未出齊之蟻俟二日出齊另下一器初下連將現採桑葉切碎如米勻灑一日餵三頓二日四五頓

蟻至四五日
變白色即可
切葉如絲餵
起底時亦便
於帶蠶

三日七八頓每日於餵時即用雞翎管將蟻連蠶沙桑渣往寬撥一次層層撥寬攤薄使處處露出紙底然後勻灑切碎如米桑葉於上餵之蟻即自行上葉俟一篩鋪滿蟻密食葉不均即蠶便不齊即於撥開灑切碎新葉俟蟻上葉時用雞翎帶桑渣蠶沙連蟻靠紙挑起以手揭片子另放一器使兩器均勻三日後即日加頓數餵到頭眠見眠者有二三箇於清晨餵葉三頓早飯後餵葉一頓蠶上新葉後用雞翎管將此四頓濕葉渣帶蟻撮起一綹用手輕推成撮以手撮放他器濕葉渣帶蟻撮盡底下乾渣有蠶再鋪整桑葉俟蠶上葉提埽過將乾桑渣蠶沙再倒淨處攤開上放些整桑葉如有幾箇未提盡的蠶即自上葉提放一處

自下連至將眠纔起底一次。將此初次起底乾桑渣收存至第三眠起齊餵葉時灑新葉上謂之

投食大約天煖七八日即眠天涼八九日纔眠每一眠天煖一日

許天涼二日眠時不食歇葉不餵將眠蠶頭光腫觜縮小不食

葉皮緊身帶黃光眠定觜吐長眠起頭有皺觜寬方皮鬆身似

毛未眠食葉之蠶頭不腫身不亮觜小圓十分中有二三分眠

仍照常頓數餵葉灑葉稍薄眠已過半葉止添少半一日祇餵

三四頓至有一成未眠即全不餵自見眠至眠齊不過三日眠

齊歇不過二日如天煖不過歇一日半皆起其先起者仍不餵

雖有一半起者一日不餵無妨俟二日起齊一日餵三頓二日

餵五六頓三日七八頓以後但見白。見蠶不就餵至將二眠每

三眠起後第四日須餵四頓

天暖底厚須
一日一起底

日八九頓或十頓。以上認眠餒法三眠皆同。頭眠起後切葉如麥幹細至第

三日切葉一分寬餒至第四日清晨連餒四頓後起底分箔仍
以手推濕葉渣帶蠶浮浮輕揭過每揭一大片揭完將底子乾
葉渣蠶沙埽倒淨處攤開以手揀取餘蠶勿庸以整葉提至七
八日見有一二眠者再起底分箔如第四日法二眠起後餒三
眠蠶仍切葉一指寬至第三日一起底分箔後切葉漸寬餒至
六七日見眠有一二再起底分箔三眠起後桑葉切成大片至
第三日餒至十二頓起底仍先添新葉俟蠶上葉以手推捲新
葉帶蠶鬆鬆捲過一邊將蠶屎葉渣埽去再攤開一段一段捲
埽後即餒整葉二日一起底稠即分箔此後食盡就餒晝夜勤

餒四五日後卽連枝帶葉餒到七日老八日上簇但看項頸三條橫青筋尙有一條仍須餒一半日至項下紅亮青筋全無尖頭高仰卽捉在簸箕或篩子送上簇不等週身紅亮初老者少先用手捉至項下青筋些微食不過一二頓卽以桑條連枝帶葉放蠶箔上蠶食葉後均上枝條看其項下如尙有青筋卽將桑條一頭提住輕敲將蠶都抖下再餒如已無青筋項下紅亮卽取桑條帶蠶用簸箕盛放簇上上過兩行簇簇上再放樹枝樹枝上再放穀草穀草上再放熟蠶蠶上再撒麥草或亂草簇料菜子幹穀草夾棉花幹乾樹條均可用地下鋪麥草草上放簇下子蠶連紙養蠶時或鋪或苫或放箔子上至上簇六日下上簇時仍放簇上可避雷電響動不至驚蠶

繭七日下齊。八日蒸繭曬乾。取絲。蠶繭宜早取絲。若隔年放久。則取絲不成。生絲做線。織紬後練熟。則耐久。若生絲過三年。則
黧朽。初下連蟻。在卧室小房內用篩筐餞。餞至頭眠起後。又四
五日。須無風天。巳午時遮蓋好。移放蠶室大房內餞。俟篩
筐滿。分布蠶盤。再大分布箔子。上蠶架。其大蠶架。即前
篇預設蠶槌做法。又遇天涼時。大蠶室內用木炭火盆。

附醫蠶病方

出湖南岳州府魯仲山家傳蠶桑心悟一冊屢試屢驗翻刻湖北應山學署茲檢此篇治法固佳而所言致病之由尤要能知其故而預防焉則蠶可永保無病較治已病更善至不得已而治病則有此良方亦不至於束手庶蠶無不收矣

頭眠八症

縮身症 由初下盤時用雞毛埽蟻埽斷口內絲頭則身短縮不食而死急以續斷爲末捲撚熏之可救

傷眠症 初眠起時上葉太多不能翻起故身硬頭黃而成是症急宜換箔薄上細葉再用荊芥燒煙熏之卽愈

失眠症 餵至七日當頭眠而不眠由於食葉不足急宜切細桑葉接餵幾頓蠶自眠矣

殭身症 由下蟻時感冒風寒以致身直不食而死急用薄荷柏葉燒煙熏之自解。

鎖項症 謂蠶項硬不食過七八日不死急取通大海煎水噴葉上餒之立解。

側齧症 頭眠結嘴忽然歪斜不食急取牙皂薄荷甘草末燒煙熏之自解。

傷潮症 蠶在盤中偶犯潮溼其色卽不鮮明急宜翻過別盤撒斑糠於蠶身不過半日卽愈。

觸穢症 蠶觸一切臭氣身必發黑急以大黃蒼朮甘草燒煙熏之自解。二三眠亦有此症但在頭眠尤甚。

二眠八症

反汗症 蠶將眠則色潔白。既起則色晦滯。當潔白而潔白。謂之汗應。其不潔白。謂之反汗。不治則不發變。急以柏葉蟬退末。燒煙熏之。自轉潔白之色矣。

纏腰症 二眠後所脫之皮。縳於腰上。難脫而不食。卽以蛇退蟬退。燒煙熏之。可解。

大頭症 蠶頭腫大不食。由積熱感風而起。急以防風。大黃蒼朮。炙草。綠豆芽。研末拌勻。撒葉上。餵之。自解。

麻肚症 蠶肚上見麻點不食。因箔內沙萼積熱而起。急以網擡換箔。除淨沙萼。以芭蕉葉隔於箔中。自愈。

焦尾症 前半截潔白光潤後半截黃暗無色漸次不食速以甘草末拌綠豆芽麪餵一二頓卽愈

腐皮症 二眠時誤觸硝磺食鹽蔥蒜阿魏等臭氣則通身暗晦皮肉潰爛不治不過一日盡死急換一箔箔內平鋪艾葉拾蠶其上以烏梅煎水灑葉餵之自愈

黃疸症 遇黃沙灰瘴天氣蠶室宜閉時采黃沙葉宜洗淨篩乾再餵二眠時如犯黃沙則週身發黃不治必盡死速取甘草末拌切葉條餵之卽愈

傷食病 眠起時頭一日餵葉不宜使飽過飽則有堅梗朴直而死之症此症惟二眠後最多犯者急以甘草香附煎水灑

葉上餞之立愈。

三眠八症

烏風症 三眠後蠶背盡黑不食卽此症也諸症惟此症最惡遲三兩時盡死矣速取檀香薄荷蒼朮甘草研末熏之可救高風症 蠶身色如黃灰逐節如黃絲緊繫不能擡頭就食急用牙皂白朮末燒煙熏之一日勿令斷息自解。

癰痕症 蠶通身現出癰點速宜擡網換箔用甘草煎水灑葉餞之又以蒼朮柏葉蛇退研末燒煙熏之卽愈。

蚊傷症 蠶被麻蚊咬傷毒重無解治以藁木煎水將箔洗淨然後停蠶上葉此蠶亦能多繭不可做種不數日蛆出繭中

矣。

結肛症 周身無恙，但食葉不似平時，總由肛門閉結，速用大黃煎水，灑葉上，拌綠豆麪餵之，自愈。

縮頸症 縮頸不食，由於誤觸不潔之氣，不治必死，速取馬屎曬乾，拌柴燒燃，置箔下略烘片時，即愈。

水蟲症 上葉時誤傷水氣，則通身腫脹，口吐清水，速用蒼朮、滑石、甘草研末，羅篩篩過，就蠶身撲之，撲畢換之，即止。

脫肛症 蠶將老，忽然肛門出黃泡，不治不及上簇，即死，速取莊麻葉沖水噴葉上，餵之，不過半日，肛門自收。

以上二十四症，所需藥物無多，養蠶之家均宜預備也。蠶

性忌香忌煙忌水惟治病則概不必忌有犯症者儘可依方用之應山儒學會試山家素飼蠶各方皆已經驗故刊傳之

雜錄治病防病法

治蠶溼瘟 凡蠶室及桑葉均不宜溼溼則蠶易生瘟治法以浮萍硃碎攪入桑末飼之

急去病蠶 有蠶身獨短其節高聳不食葉而常在葉上往來腳下有白水者與黃軟青色等病蠶皆宜急去勿使傳染他蠶

西人除止粒病蠶種法

用顯微鏡察視蠶身有細黑點形如椒末因名椒末瘟

緣其病

將西國蠶務壞盡嗣查得該病情狀實係極小一點之粒必用顯微鏡方能顯出動物形一粒在蠶全體之內生長頗速迨布滿蠶體而蠶壞且一蠶生有此病不獨傳染於他蠶而將來成蛾生子其子體內亦具此粒至次年子出爲蟻爲蠶則與之俱長此謂傳種之病其害日增因復查明無病之蛾其生出之子亦無病傳下之種但飼養周到與有病之蠶離開則此病之根株卽絕由此以觀可見欲得無病之蠶必先有無病之蛾西人乃創做無病蠶子而爲蠶子分方法凡蛾相對時用小木桶或小竹圈將每對分置於內編號爲記則每雌蛾所生之子各在一處俟蛾旣殭卽將此蛾用乳鉢磨

碎以顯微鏡查視。如某號蛾體內有此粒形。其號之子亦必有病。當棄而不用。查某號蛾體內無此粒形者。方留爲傳種之用。其粒瘟病遂止。故養蠶家擇種爲第一要事。